

SEMINAR PSIKOLOGI KEBANGSAAN 2013

Oleh : Alfred Chan, Pensyarah Unit Penyelidikan Psikologi dan Kesihatan Sosial

Seminar Psikologi Kebangsaan (SPK) 2013 merupakan seminar dwitahunan yang dianjurkan oleh Unit Penyelidikan Psikologi dan Kesihatan Sosial dan Sekolah Psikologi dan Kerja Sosial, Universiti Malaysia Sabah. Seminar ini dipengerusi oleh Ketua Unit Penyelidikan Psikologi dan Kesihatan Sosial, Profesor Madya Dr. Chua Bee Seok. Seminar ini akan berlangsung pada 7 hingga 8 November 2013. Tema seminar pada tahun ini adalah "Psikologi Pemangkin Keharmonian Sosial".

Peserta dari dalam dan luar negara dijemput untuk menghadiri seminar selama dua hari tersebut. Peserta seminar turut dijemput untuk membuat pembentangan kertas kerja dalam acara sesi selari atau mengikuti pameran poster. Antara bidang yang diliputi SPK 2013 adalah bidang industri, organisasi, bimbingan, kaunseling, komuniti, tingkah laku sains, perkembangan manusia, jelajah sosial, pendidikan, klinikal, linguistik dan isu keharmonian.

Tarikan utama SPK 2013 adalah barisan penceramah jemputan khas yang merupakan tokoh negara dalam bidang masing-masing. Penceramah ucapnama yang dijemput adalah Profesor Ulung Datuk Dr. Shamsul Amri Baharuddin. Beliau sememangnya terkenal sebagai salah satu daripada dua orang Profesor Ulung di Malaysia. Beliau telah terlibat dalam bidang penulisan, penyelidikan. Di samping itu, beliau turut berkecimpung dalam bidang politik, budaya dan pembangunan ekonomi dengan memfokuskan kajian empirikal mengenai Malaysia dan Asia Tenggara selama 25 tahun. Hasil penulisannya telah menjadi rujukan IPTA di Malaysia mahupun luar negara. Beliau sering diundang sebagai penganalisis sosio-politik Malaysia dan Asia Tenggara. Selain itu, seorang penceramah yang berpengalaman dalam mengajar bidang Psikologi selama 20 tahun iaitu Prof. Dato' Dr. Mahmood Nazar bin Mohamed turut berjaya dijemput. Beliau adalah seorang Profesor Psikologi dalam bidang rawatan penagihan dadah dan pemulihan di sebuah IPTA sebelum beliau menyertai Cyberjaya University College of Medical Sciences. Penceramah ketiga yang bakal menyertai dan menyumbangkan keilmuan dalam SPK 2013 adalah Prof. Emeritus Dr. Haji Mohd Ismail bin Mohd Thambi. Beliau adalah seorang Pakar Sakit Tuan dan Kesihatan Reproduktif Lelaki dan Wanita. Kini, beliau bertugas sebagai Konsultan Kesihatan Seksual dan Reproduktif Lelaki dan Wanita di Damai Service Hospital, Jalan Ipoh, Kuala Lumpur. Beliau pernah menjawat jawatan sebagai Ketua Klinik Pakar di Pusat Kepakaran Reproduksi Manusia, Lembaga Penduduk dan Pembangunan Keluarga Negara (LPPKN), Kementerian Pembangunan Wanita, Keluarga dan Masyarakat (KPWKM).

Pembaca sekali lagi dijemput untuk menghadiri Seminar Psikologi Kebangsaan 2013. Daftarlah melalui laman web: www.ums.edu.my/conferences/SPK2013, emel: spk2013@ums.edu.my atau Facebook: www.facebook.com/spk2013ums. Jumpa anda di SPK 2013!

